

唐女郎魚元機詩

薛濤詩



元 藏
板 本
魚 尾





唐女郎魚玄機詩

賦得江邊柳



翠色連荒岸煙姿入遠樓影鋪秋水面花落釣
人頭根老藏魚窟枝低繫客舟瀟瀟風雨夜驚
夢復添愁

贈鄰女

羞日遮羅袖愁春懶起粧易求無價寶難得有
心郎枕上潛垂淚花間暗斷腸自能窺宋玉何
必恨王昌

寄國香

魚子標
旦夕醉吟身相思又此春雨中寄書使窓下斷
腸人山捲珠簾看愁隨芳草新別來清宴上幾
度落梁塵

寄題鍊師

霞綵剪為衣添香出繡幃芙蓉花葉

山水帔

稀駐履聞鶯語開籠放鶴飛高堂春睡覺暮
雨正霏霏

寄劉尚書

八座鎮雄軍謠謠滿路新汾川三月雨晉水百
花春囹圄長空鎖干戈久覆塵儒僧觀子夜羈

客醉紅茵筆硯行隨手詩書坐遶身小才多顧
盼得作食魚人

浣紗廟

吳越相謀計策多浣紗神女相和一雙笑
才回面十萬精兵盡倒戈范蠡功成身隱遁伍
胥諫死國消磨只今諸暨長江畔空有青山號
苧蘿

賣殘牡丹

臨風興歎落花頻芳意潛消又一春應為價高
人不問却緣香甚蝶難親紅英只稱生宮裏翠

葉那堪染露塵及至移根上林苑王孫方恨買
無因

酬李學士寄簾

珍簾新鋪翡翠樓泓澄玉水記方流唯應雲扇
情相似同向銀床恨早秋

情書寄李子安

補闕

飲冰食蘗志無功晉水壺關在夢中秦鏡欲分
愁墮鵲舜琴將弄怨飛鴻井邊桐葉鳴秋雨窻
下銀燈暗曉風書信茫茫何處問持竿盡日碧
江空

閨怨

靡蕪盈手泣斜暉聞道鄰家夫壻歸別日南鴻
纔北去今朝北鴈又南飛春來秋去相思在秋
去春來信息稀扃閉朱門人不到砧聲何事透
羅幃

春情寄子安

山路欹斜石磴危不愁行苦苦相思冰銷遠磧
憐清韻雪遠寒峰想玉姿莫聽九歌春病酒休
招閑客夜貪碁如松匪石盟長在北翼連襟會
肯遲雖恨獨行冬盡日終期相見月圓時別君

何物堪持贈淚落晴光一首詩

打毬作

堅圓淨滑一星流月杖爭敲未擬休無滯礙時
從撥弄有遮欄處任鈎留不辭宛轉長隨手却
恐相將不到頭畢竟入門應始了願君爭取最
前籌

暮春有感寄友人

鶯語驚殘夢輕粧改淚容竹陰初月薄江靜晚
煙濃濕甯啣泥燕香鬚採藥蜂獨憐無限思吟
罷亞枝松

冬夜寄溫飛卿

苦思搜詩燈下吟不眠長夜怕寒衾滿庭木葉
愁風起透幌紗窗惜月沉踈散未閑終遂願盛
衰空見本來心幽棲莫定梧桐處暮雀啾啾空
遶林

酬李郢夏日釣魚回見示

住處雖同巷經年不一過清詞勸舊女香桂折
新柯道性欺冰雪禪心笑綺羅跡登霄漢上無
路接煙波

次韻西鄰新居兼乞酒

一首詩來百度吟新情字字又聲金西看已有
登垣意遠望能無化石心河漢期賒空極目瀟
湘夢斷罷調琴况逢寒節添鄉思叔夜佳醪莫
獨斟

和友人次韻

何事能銷旅館愁紅牋開處見銀鈎蓬山雨灑
千峯小嶰谷風吹萬葉秋字字朝看輕碧玉篇
篇夜誦在衾稠欲將香匣收藏却且惜時吟在
手頭

和新及第悼亡詩二首

仙籍人間不久留片時已過十經秋鴛鴦帳下
香猶暖鸚鵡籠中語未休朝露綴花如臉恨晚
風欹柳似眉愁彩雲一去無消息潘岳多情欲
白頭

一枝月桂和煙秀萬樹江桃帶雨紅且醉樽前
休悵望古來悲樂與今同

遊崇真觀南樓觀新及第題名處

雲峯滿目放春晴歷歷銀鈎指下生自恨羅衣
掩詩句舉頭空羨榜中名

愁思二首

落葉紛紛暮雨和朱絲獨撫自清歌放情休恨
無心友養性空拋苦海波長者車音門外有道
家書卷枕前多布衣終作雲霄客綠水青山時
一過
自嘆多情是足愁况當風月滿庭秋洞房偏與
更聲近夜夜燈前欲白頭

江行

大江橫抱武昌斜鸚鵡洲前萬戶家畫舸春眠
朝未足夢爲蝴蝶也尋花
煙花已入鸚鵡巷畫舸猶題鸚鵡洲醉卧醒吟

都不覺今朝驚在漢江頭

聞李端公垂釣回寄贈

無限荷香染暑衣阮郎何處弄舸歸自慚不及
鴛鴦侶猶得雙雙近釣磯

題任處士荆資福寺

幽人荆竒境遊客駐行程粉壁空留字蓮宮未
有名鑿池泉自出開徑草重生百尺金輪閣當
川豁眼明

題隱霧亭

春花秋月入詩篇白日清宵是散仙空捲珠簾

不曾下長移一榻對山眠

重陽阻雨

滿庭黃菊籬邊拆兩朵芙蓉鏡裏開落帽臺前
風雨阻不知何處醉金杯

早秋

嫩菊含新彩遠山閑夕煙涼風驚綠樹清韻入
朱絃思婦機中錦征人塞外天鴈飛魚在水書
信若爲傳

感懷寄人

恨寄朱絃上含情意不任早知雲雨會未起蕙

蘭心灼灼桃兼李無妨國士尋蒼蒼松與桂仍
羨世人
月色苔堦淨歌聲竹院深門前紅葉
地不掃待知音

期友人阻雨不至

鴈魚空有信雞黍恨無期閑戶方籠月寒簾已
散絲近泉鳴砌畔遠浪漲江湄鄉思悲秋客愁
吟五字詩

訪趙鍊師不遇

何處同仙侶青衣獨在家暖爐留煮藥鄰院爲
煎茶畫壁燈光暗幡竿日影斜慙慙重回首墻

外數枝花

導懷

閑散身無事風光獨自遊
斷雲江上月解纜海中舟
琴弄蕭梁寺詩吟庾亮樓
叢篁堪作伴片石好爲儔
燕雀徒爲貴金銀志不求
滿杯春酒綠對月夜琴幽
遶砌澄清沿抽簪映細流
卧床書冊遍半醉起梳頭

寄飛卿

堦砌亂蛩鳴庭柯煙露清
月中隣樂響樓上遠山明
珍簟涼風着瑤琴寄恨生
嵇君懶書札底

物慰秋情

過鄂州

柳拂蘭橈花滿枝石城城下暮帆遲
折牌峯上三閭墓遠火山頭五馬旗
白雪樓高題舊寺陽春歌在換新詞
莫愁魂逐清江去空使行人萬首詩

夏日山居

移得仙居此地來花叢自遍不曾栽
庭前亞樹張衣桁坐上新泉泛酒杯
軒檻暗傳深竹徑綺羅長擁亂書堆
閑乘畫舫吟明月信任輕風吹

却回

暮春即事

深巷窮門少侶儔
阮郎唯有夢中留
香飄羅綺誰家席
風送歌聲何處樓
街近鼓鼙喧曉寢
庭閑鵲語亂春愁
安能追逐人間事
萬里身同不繫舟

代人悼亡

曾覩天桃想玉姿
帶風楊柳認蛾眉
珠歸龍窟知誰見
鏡在鸞飛話向誰
從此夢悲煙雨夜
不堪吟苦寂寥時
西山日落東山月
恨想無因有

了期

和人

茫茫九陌無知己
暮去朝來典繡衣
寶匣鏡昏蟬鬢亂
博山爐暖麝煙微
多情公子春留句
少思文君晝掩扉
莫惜羊車頻列載
柳絲梅綻正芳菲

隔漢江寄子安六言

江南江北愁望相思
相憶空吟鴛鴦暖
卧沙浦鷗鷺閑飛
橘林煙裏歌聲隱
隱渡頭月色沉沉
含情咫尺千里
况聽家家遠砧

寓言六言

紅桃處處春色碧柳家家月明樓上新粧待夜
閨中獨坐含情芙蓉月下魚戲蝶竦天邊雀聲
人世悲歡一夢如何得作雙成

江陵愁望寄子安

楓葉千枝復萬枝江淹橋映暮帆遲憶君心似
西江水日夜東流無歇時

寄子安

醉別千卮不浣愁離腸百結解無由蕙蘭銷歇
歸春圃楊柳東西絆客舟聚散已悲雲不定恩

情須學水長流有花時節知難遇未肯厭厭醉
玉樓

送別

秦樓幾夜愜心期不料仙郎有別離睡覺莫言
雲去處殘燈一盞野蛾飛

迎李近仁負外

今日喜時聞喜鵲昨宵燈下拜燈花焚香出戶
迎潘岳不羨牽牛織女家

送別

水柔逐器知難定雲出無心肯再歸惆悵春風

楚江暮鴛鴦一隻失羣飛

左名場自澤州至京使人傳語

閑居作賦幾年愁王屋山前是舊遊詩詠東西
千嶂亂馬隨南北一泉流曾陪雨夜同歡席別
後花時獨上樓忽喜扣門傳語至為憐隣巷小
房幽相如琴罷朱絃斷雙燕巢分白露秋莫倦
蓬門時一訪每春忙在曲江頭

和人次韻

喧喧朱紫雜人寰獨自清吟月色間何事玉郎
搜藻思忽將瓊韻扣柴關白花發詠慙稱謝僻

巷深居謬學顏不用多情欲相見松蘿高處是
前山

因次光威裒韻姊妹三人少孤而始妍
乃有是作精粹難儔雖謝家聯雪何以
加之有客自京師來者示予


朱樓影直日當午玉樹陰低月已三光膩粉暗
銷銀鏤合錯刀閑剪泥金衫威繡牀怕引烏龍
吠錦字愁教青鳥啣裒百味鍊來憐益母千花
開處鬪宜男光鴛鴦有伴誰能羨鸚鵡無言我
自慙威浪喜遊蜂飛撲撲伴驚孤鵲語喃喃裒

偏憐愛數蛭蜨掌每憶先抽玳瑁簪光煙洞幾
年悲尚在星橋一夕悵空含威窓前時節羞虛
擲世上風流笑苦諳裏獨結香綃偷餉送暗垂
檀袖學通叅光湏知化石心難定却是爲雲分
易甘威看見風光零落盡絃聲猶逐望江南裏

次韻

昔聞南國容華少今日東隣姊妹三粧閣相看
鸚鵡賦碧空應繡鳳凰衫紅芳滿院叅差折綠
醕盈杯次第啣恐向瑤池曾作女謫來塵世未
爲男文姬有貌終堪比西子無言我更慙一曲


豔歌琴杳杳四絃輕撥語喃喃當臺競鬪青絲
髮對月爭誇白玉簪小有洞中松露滴大羅天
上柳煙含但能爲雨心長在不怕吹簫事未諳
阿母幾嗔花下語潘郎曾向夢中參暫持清句
寬猶斷若覩紅顏死亦甘悵望佳人何處在行
雲歸北又歸南



唐女郎魚玄機詩集終

戊戌四月得於項子協

初亥案後



臨安府棚北睦親坊南陳宅書籍鋪印

朱承蔚鑒



嘉慶庚午雲間古倪園沈氏從

吳門士禮居黃氏借本翻行



魚集考異

唐人絕句 十二首

酬李學士寄簾

李學士作人

和新及第悼亡詩

無詩字

萬樹江桃帶雨紅

樹作樹案避宋諱

愁思

愁作秋

大江橫抱武

昌斜

抱作挹

聞李端公垂釣回寄贈

無寄贈二字

猶得

雙雙近釣磯

近作遠

題隱霧亭

無題字

江陵愁望寄

子安

寄子安作有寄

江淹橋映暮帆遲

淹橋作橋掩

送別

別二首不重題

秦樓幾夜愜心期

秦樓作層城

不料仙郎有

別離

郎作鄉

迎李近仁負外

無近仁二字

才調集 九首

賦得江邊柳

柳作樹

翠色連荒岸

翠作草連作迷

影鋪秋

水面

影作葉

蕭蕭風雨夜

蕭蕭作蕭蕭

贈鄰女

作寄李億負外

一作寄憐女

羞日遮羅袖

遮作障

渡頭月色沉沉

渡作波芙

蓉月下魚戲

月作葉

江淹橋映暮帆遲

淹橋作橋掩

聚

散已悲雲不定

悲作愁

送別

作送別首不重題

秦樓幾夜

愜心期

秦樓作層城

不料仙郎有別離

郎作鄉



唐女道士魚元機詩集陳氏書錄解題載其名

其集則世未專行也癸亥閏餘之月偶得之於

蘭陵繆氏書廬一十二番歷為諸名家寶藏古

色古香溢于楮墨真為竒祕之物此集無別本

可勘遂取家藏洪邁唐人絕句韋穀才調集選


本證之題句亦多互異蓋洪韋本俱宋刊而彼

有不同於此者可知宋時亦非一本烏能執而

同之耶因用別紙條載于後俾讀是書者有所

考焉

嘉慶八年三月望春盡日黃丕烈識



薛濤詩

薛濤詩

明本重
刊

薛濤詩目錄

五言律詩

酬人雨後翫竹

五言絕句

春望詞四首

風

宣上人見示與諸公唱和

蟬

月

池上雙鳥

罰赴邊有懷上韋令公

鴛鴦州

續父井桐吟

六言

詠八十一顆

七言絕句

賊平後上高相公

送友人

送盧貞外

題竹郎廟

酬韋校書

聽僧吹蘆管

酬郭簡州寄柑子

上川主武相國二首

薛濤詩目錄
二
憶荔枝

斛石山曉望寄呂侍御

寄詞

斛石山書事

送姚貞外

酬祝十三秀才

別李郎中

送扶鍊師

摩訶池贈蕭中丞

和李書記席上見贈

棠梨花和李太尉

酬文使君

酬吳隨君

酬李校書

賦凌雲寺二首

九日遇雨二首

酬雍秀才貽巴峽圖

上王尚書

和劉賓客客玉薜

江邊

贈蘇三十中丞

和郭負外題萬里橋

送鄭眉州

江亭宴餞

海棠溪

採蓮舟

菱苻沼

金燈花

春郊遊眺寄孫處士二首

酬楊供奉法師見招

試新服裁製初成三首

寄張元夫

酬辛貞外折花見遺

贈遠二首

秋泉

柳絮

贈楊蘊中

續嘉陵驛詩獻武相國

段相國遊武擔寺病不能從題寄

贈段校書

酬杜舍人

籌邊樓

十離詩

四友贊

田洙遇薛濤聯句

落花題共聯一首

題秋夜五十韻

薛濤詩

五言律詩

廂人雨後翫竹

南天春雨時那鑒雪霜姿衆類亦云茂虛
心寧自持多留晉賢醉早伴舜妃悲晚歲
復能賞蒼蒼効節奇

五言絕句

春望詞四首

花開不同賞花落不同悲欲問相思處花
開花落時

其二

檻草結同心將以遺知音春愁正斷絕春
鳥復哀吟

其三

風花日將老佳期猶渺渺不結同心人空
結同心草

其四

那堪花滿枝翻作兩相思玉箸垂朝鏡春
風知不知

風

獵蕙微風遠飄絃啖一聲林梢明浙瀝松
徑夜淒清

宣上人見示與諸公唱和

許厠高齋唱涓泉定不如可憐譙記室流

水滿禪居

蟬

露滌清音遠風吹故葉齊
聲聲似相接各在一枝棲

月

魄依鈎樣小扇逐漢機
團細影將圓質人間幾處看

池上雙鳥

雙棲綠池上朝暮共飛還
更憶將雛日同心蓮葉間

罰赴邊有懷上韋令公二首

聞道邊城苦今來到始知
羞將門下曲唱與隴頭兒

其二

黠虜猶違命烽烟直北愁
却教嚴譴妾不敢向松州

鷺鷥州

綠英滿香砌兩兩鷺鷥小但娛春日長不
管秋風早

續父井桐吟

庭除一古桐聳榦入雲中枝迎南北鳥葉
送往來風

六言

詠八十一顆

色比丹霞朝日形如合浦篔簹開時九九
知數見處雙雙頡頏

七言絕句

賊平後上高相公

驚看天地白荒荒瞥見青山舊夕陽始信
大威能照映由來日月借生光

送友人

水國蒹葭夜有霜月寒山色共蒼蒼誰言

薛濤詩
四
千里自今夕離夢杳如關路長

送盧負外

玉壘山前風雪夜錦官城外別離魂信陵
公子如相問長向夷門感舊恩

題竹郎廟

竹郎廟前多古木夕陽沉沉山更綠何處
江村有笛聲聲聲盡是迎郎曲

賈韋校書

芸香誤比荆山玉那似登科甲乙年淡地
鮮風將綺思飄花散藥媚晴天

聽僧吹蘆管

曉蟬嗚咽暮鶯愁言語殷勤十指頭罷閱
梵書聊一弄散隨金磬泥清秋

酬郭簡州寄柑子

霜規不讓黃金色圓質仍含御史香何處
同聲情最異臨川太守謝家郎

上川主武相國二首

落日重城夕霧收
玳筵雕俎薦諸侯
因令朗月當庭燎
不使珠簾下玉鈎

其二

東閣移尊綺席陳
貂簪龍節更宜春
軍城畫角三聲歇
雲幕初垂紅燭新

憶荔枝

傳聞象郡隔南荒
絳實豐肌不可忘
近有

青衣連楚水
素漿還得類瓊漿

斛石山曉望寄呂侍御

曦輪初轉照仙扃
旋擘烟嵐上杳冥
不得玄暉同指點
天涯蒼翠漫青青

寄詞

茵閣芝樓杳靄中
霞開深見玉皇宮
紫陽天上神仙客
稱在人間立世功

斛石山書事

王家山水畫圖中意思都盧粉墨容今日
忽登虛境望步搖冠翠一千峯

送姚負外

萬條江柳早秋枝裊地翻風色未衰欲折
爾來將贈別莫教烟月兩鄉悲

酬祝十三秀才

浩思藍山玉彩寒冰囊敲碎楚金盤詩家
利器馳聲久何用春闈榜下看

別李郎中

花落梧桐鳳別凰想登秦嶺更淒涼安仁
縱有詩將賦一半音詞雜悼亡

送扶鍊師

錦浦歸舟巫峽雲綠波迢遞雨紛紛山陰
妙術人傳久也說將鶩與右軍

摩訶池贈蕭中丞

昔以多能佐碧油今朝同泛舊仙舟淒涼

逝水頽波遠惟有碑前咽不流

和李書記席上見贈

翩翩射策東堂秀豈復相逢豁寸心
借問風光爲誰麗萬條絲柳翠烟深

棠梨花和李太尉

吳均蕙圃移嘉木正及東溪春雨時
日晚鶯啼何所爲淺深紅膩壓繁枝

酬文使君

延英曉拜漢恩新五馬騰驤九陌塵
今日謝庭飛白雪巴歌不復舊陽春

酬吳隨君

支公別墅接花局買得前山總未經
入戶剡溪雲水滿高齋咫尺躡青冥

酬李校書

才遊象外身雖遠學茂區中事易聞
自顧漳濱多病後空瞻逸翮舞青雲

賦凌雲寺二首

聞說凌雲寺裏苔風高日近絕纖埃橫雲
點染芙蓉壁似待詩人寶月來

其二

聞說凌雲寺裏花飛空遶磴逐江斜有時
鎖得嫦娥鏡鏤出瑤臺五色霞

九日遇雨二首

萬里驚飈朔氣深江城蕭索晝陰陰誰憐

不得登山去可惜寒芳色似金

其二

茱萸秋節佳期阻金菊寒花滿院香神女
欲來知有意先令雲雨暗池塘

酬雍秀才貽巴峽圖

千疊雲峰萬頃湖白波分去遶荆吳感君
識我枕流意重示瞿塘峽口圖

上王尚書

薛濤詩
九
碧玉雙幢白玉郎
初辭天帝下扶桑
手持雲掾題新榜
十萬人家春日長

和劉賓客玉蕊

瓊枝的礫露珊珊
欲折如披玉彩寒
間拂朱房何所似
綠山偏映日輪殘

江邊

西風忽報燕雙雙
人世心形兩自降
不爲魚腸有真訣
誰能夜夜立清江

贈蘇三十中丞

洛陽陌上埋輪氣
欲逐秋空擊隼飛
今日芝泥檢徵詔
別須臺外振霜威

和郭負外題萬里橋

萬里橋頭獨越吟
知憑文字寫愁心
細侯風韻兼前事
不止爲舟也作霖

送鄭眉州

雨暗眉山江水流
離人掩袂立高樓
雙旌

千騎駢東陌獨有羅敷望上頭

江亭宴餞

綠沼紅泥物象幽范汪兼倅李并州離亭
急管四更後不見車公心獨愁

海棠溪

春教風景駐仙霞水面魚身總帶花人世
不思靈卉異競將紅纈染輕沙

採蓮舟

風前一葉厭荷蕖解報新秋又得魚兔走
烏馳人語靜滿溪紅袂棹歌初

菱荇沼

水荇斜牽綠藻浮柳絲和葉卧清流何時
得向溪頭賞旋摘菱花旋泛舟

金燈花

闌邊不見蓂蓂葉砌下惟翻豔豔叢細視
欲將何物比曉霞初疊赤城宮

春郊遊眺寄孫處士二首

低頭久立向薔薇
愛似零陵香惹衣
何事碧溪孫處士
百勞東去燕西飛

其二

今朝縱目翫芳菲
夾纈籠裙繡地衣
滿袖滿頭兼手把
教人識是看花歸

酬楊供奉法師見招

遠水長流潔復清
雪因高卧與雲平
不嫌

素室無烟火
惟笑商山有姓名

試新服裁製初成三首

紫陽宮裏賜紅綃
仙霧朦朧隔海遙
霜兔毳寒冰蠶靜
嫦娥笑指織星橋

其二

九氣分爲九色霞
五靈仙馭五雲車
春風因過東君舍
偷樣人間染百花

其三

長裾本是上清儀，曾逐羣仙把玉芝。每到
宮中歌舞會，折腰齊唱步虛詞。

寄張元夫

前溪獨立後溪行，鷺識朱衣自不驚。借問
人間愁寂意，伯牙絃絕已無聲。

酬辛負外折花見遺

青鳥東飛正落梅，銜花滿口下瑤臺。一枝
爲授殷勤意，把向風前旋旋開。

贈遠二首

芙蓉新落蜀山秋，錦字開緘到是愁。閨閣
不知戎馬事，月高還上望夫樓。

其二

擾弱新蒲綠又齊，春深花落塞前溪。知君
未轉秦關騎，月照千門掩袖啼。

秋泉

冷色初澄一帶烟，幽聲遙瀉十絲絃。長來

枕上牽情思不使愁人半夜眠

柳絮

二月桃花輕復微春風搖蕩惹人衣他家
本是無情物一任南飛又北飛

贈楊蘊中

玉漏聲長燈耿耿東墻西墻時見影月明
窓外子規啼忍使孤魂愁夜永

續嘉陵驛詩獻武相國

蜀門西更上青天強為公歌蜀國弦卓氏
長卿稱士女錦江玉壘獻山川

段相國遊武擔寺病不能從題寄

消瘦翻堪見令公落花無邨恨東風儂心
猶道青春在羞看飛蓬石鏡中

贈段校書

公子翩翩說校書玉身金勒紫綃裾玄成
莫便驕名譽文采風流定不如

酬杜舍人

雙魚底事到儂家
撲手新詩片片霞
唱到白蘋洲畔曲
芙蓉空老蜀江花

籌邊樓

平臨雲鳥八
凶秋壯壓西川四十州
諸將莫貪羗族馬
最高層處見邊頭

十離詩

元微之使蜀嚴司空遣濤往侍後

因事獲怨遠之濤作十離詩以獻
遂復善焉

馴擾朱門四五年
毛香足淨主人憐
無端咬着親情客
不得紅絲毯上眠

右犬離主

越管宣毫始稱情
紅牋紙上撒花瓊
都緣用久鋒頭盡
不得羲之手裡擎

右筆離手

雪耳紅毛淺碧蹄追風曾到日東西爲驚
玉貌郎君墜不得華軒更一嘶

右馬離廐

隴西獨自一孤身飛去飛來上錦茵都緣
出語無方便不得籠中再喚人

右鸚武離籠

出入朱門未忍拋主人常愛語交交啣泥
穢汙珊瑚枕不得梁間更累巢

右燕離窠

皎潔圓明內外通清光似照水晶宮都緣
一點瑕相穢不得終霄在掌中

右珠離掌

戲躍蓮池四五秋掌搖朱尾弄綸鈎無端
擺斷芙蓉朶不得清波更一遊

右魚離池

爪利如鋒眼似鈴平原捉兔稱高情無端

竄向青雲外不得君王臂上擎

右鷹離鞬

菴鬱新栽四五行常將勁節負秋霜為緣
春笋鑽墻破不得垂陰覆玉堂

右竹離亭

鑄瀉黃金鏡始開初生三五月徘徊為遭
無限塵蒙蔽不得華堂上玉臺

右鏡離臺

四友贊

磨捫蝨先生之腹濡藏鋒都尉之頭引書
媒而默默入文畝以休休

田洙遇薛濤聯句

落花為題共聯一首

韶豔應難挽

洙

芳華信易凋

濤

綴堦紅尚媚

洙

委地白仍嬌

濤

墜速如辭樹

洙

飛遲似戀條

濤

蘚鋪新蹙繡

洙

草疊巧裁綃

濤

麗質愁先殞

洙

香魂痛莫招

濤

燕啣歸故壘

洙

蝶逐過危橋

濤

黏帙將晞露洙

衝簾乍起飈濤

遇晴猶有態洙

經雨倍無聊濤

蜂趁低蕪絮洙

魚吞細雜藻濤

輕盈珠履踐洙

零亂翠鈿飄濤

鳥過生愁觸洙

兒嬉最怕搖濤

褪英浮雨澗洙

殘蕊漾風潮濤

積徑教童掃洙

沿流倩水漂濤

媚人沾錦瑟洙

淪茗入詩瓢濤

玉貌樓前墮洙

冰容夢裡消濤

芳園曾藉坐洙

長路或追鑣濤

羅扇姬盛辨洙

筠籬僕護苗濤

折來隨手盡洙

帶處近鬟焦濤

泥浣猶悽慘洙

瓴空更寂寥濤

葉濃陰自厚洙

蒂密子偏饒濤

豈必分茵溷洙

寧思上研硝濤

香餘何吝竊洙

珮解不煩邀濤

冶態宜宮額洙

痴情妬舞腰洙

粧臺休浪拂洙

留伴可憐宵洙

題秋夜五十韻

庭月如鋪練洙

池星似撒棋洙

天空河影澹洙

節換斗杓移洙

梨棗低垂樹洙

藤蘿密蔓籬洙

草紛螢火亂洙

榦偃鳥巢歌洙

恠石形疑魅洙

芳花色勝姬洙

髹盆涼沁水洙

紈扇靜搖颺洙

雙陸收骰局洙

琵琶上練絲洙

砌蛩音遠近洙

簷馬響參差洙

銀作彈箏甲洙

鼉為冒鼓皮洙

秋筠斜織簟洙

暑帳薄裁絺洙

宿燕棲還起洙

驚禽下復疑洙

地幽塵間寂洙

城遠漏逶迤洙

窈窕來紅拂洙

雍容識紫芝洙

緣深天作合濤

誓重鬼難欺洙

幸已逢良夕濤

難哉遇少時洙

慇懃酬契濶濤

傾倒極淋漓洙

蓮實瑤琴軫濤

荷筍碧酒卮洙

鱸呼能婢斫濤

瓶喚小鬟持洙

殼破開螃螬濤

脣腥啖蛤蜊洙

菱煩織手剥濤

以拔利刀披洙

令急觥行速濤

謳清曲度遲洙

勸酬兼爾汝濤

講論雜乎而洙

冷脆嘗瓜果濤

鹹酸啜醢醢洙

艷杯浮琥珀濤

異品捧玻璃洙

熊掌停犀筋濤

酥湯進蜜脾洙

渴來便茗好濤

酣後快冰宜洙

妙句聯將就濤

狂心坐已馳洙

歌筵渾可罷濤

卧具早教施洙

不用尋桃葉濤

那須聽竹枝洙

媚人鶯語滑濤

惱醉蝶情痴洙

咳處珠凝唾濤

顰時黛蹙眉洙

釵斜金溜髻濤

釧冷粟生肌洙

小小真能謔濤

盼盼最解詩洙

風流雲雨夢濤

宛轉艷陽詞洙

步緩腰肢裊濤

鬟低耳語私洙

夜香防竊聽濤

午浴避潛窺洙

繡袷含羞脫濤

銀燈帶笑吹洙

素羅牀畔解濤

粉汗枕前滋洙

暖玉綃籠笋濤

春葱指露錐洙

雲偏鬆綠髮濤

浪颭動青幃洙

狎態堪歸畫濤

嬌顏可療饑洙

襪塵新舞沈濤

鬢膩宿油脂洙

荀鶴高文譽濤

崔鶯絕世姿洙

未誇連蒂好濤

只羨並頭竒洙

何處空題葉濤

誰家謾結褵洙

漆膠當自固濤

衽席只余知洙

慎勿萌嫌隙濤

毋令惜別離洙

芝蘭同臭味濤

松栢共襟期洙

永奉閨房樂濤

長陪楮墨嬉洙

太山如作礪濤

此志莫教虧洙

萬麻已酉春仲鐫於洗墨池

薛濤詩集終

薛濤詩
嘉慶庚午雲間古倪園沈氏從
吳門士禮居黃氏借本翻行

薛濤詩

薛濤字洪度本長安良家女父鄭因官
寓蜀而卒母孀養濤及笄以詩聞外又
能掃眉塗粉與士族不侔客有竊與之
燕語時韋中令臯鎮蜀召令侍酒賦詩
僚佐多士爲之改觀暮歲中令議以校
書郎奏請之護軍曰不可遂止濤出入
幕府自臯至李德裕凡歷事十一鎮皆

薛濤詩
以詩受知其間與濤倡和者元稹白居易
易牛僧孺令狐楚裴度嚴綬張籍杜牧
劉禹錫吳武陵張祐餘皆名士記載凡
二十人競有酬和濤僑止百花潭躬撰
深紅小彩牋裁書供吟獻酬賢傑時謂
之薛濤牋晚歲居碧雞坊朔吟詩樓偃
息于上後段文昌再鎮成都太和歲濤
卒年七十五文昌爲撰墓誌

